

Խաչափայտին տեսակը միշտ զբաղան պիտառու-
թեանց նիւթ եղած է: Այլ եւս ընկուզենիին խնդիր
չըլլար, խաչն ինքն իսկ շինուած է երեք ծառի նիւ-
թերէն, մայրի, նոճի և չօճի որ իրարու մօտ բուս-
նելով իրար միացած են: Այս զրոյցը իրեն ծագում
ունի Եսայիի (Կ. 13) համարը որ հետեւեալ կերպով
թարգմանուած է Ս. Գրոց հայերէն թարգմանութեան
մէջ. «և փառքն Լիբանանու առ քեզ եկեացեն, սար-
զիւն և սօսիւ և նոճով և մայրիւ՝ առ հասարակ փա-
ռաւոր առնել զտեղի սրբութեան իմոյ, եւ զտեղի ու-
տից իմոց փառաւորեցից (P. P. V. A. հատ. II. էջ 233):

3. — Խաչափայտի նիւթին տեսակը, ըստ Գրիգոր
Վրդ. Տարեւացիի. — Գրիգոր վրդ. Տաթեւացիին խա-
չի չորս մասերուն վրայ հետեւեալ տեղեկութիւնը կու-
տայ. «վարդապետները կ'ըսեն թէ խաչին բունը կի-
պարի էր վերէն վար, խոտորնակը՝ արմաւենի թեւէ ի
թեւ, և պատուանդանը նոճի և վերնագրին տախտակը՝
ձիթենի, այս տեղեկութիւններէն յետոյ խաչի բեւեռնե-
րու մասին կը գրէ թէ՝ ըստ ոմանց չորս են անոնք և
անունները կը նշանակէ Ասուր, Թասուր, Գասուր եւ
Սասնասուր: Խաչին վրայ բովանդակ բեւեռները ինն
են, բ. ոտից, բ. ձեռաց, ա. ուսին վրայ, ա. խա-
չին թեւին վրայ, ա. Պիղատոսի տախտակին վրայ,
բ. այն տախտակին վրայ՝ որ պատուանդան էր և ոտ-
քը բեւեռուած (Տար. 2. էջ 494-95):

Մինչեւ ժ. գար, Արևորդիք ալ կը հաւատային
թէ Գրիստոսի խաչը բարտի ծառէն շինուած էր, գու-
ցէ ատոր համար կը պաշտէին զայն (Ներ. Թ. էջ 225):